



PROMOCIJA DIPLOMANATA I MAGISTRANATA UNIVERZITETA U SARAJEVU ZETRA, 20.12.2025. GODINE UPUTE ZA STUDENTE

Poštovani diplomanti i diplomantice, magistranti i magistrantice,

Sa velikim zadovoljstvom i iskrenim ponosom obraćamo vam se povodom jednog od najvažnijih trenutaka u vašem obrazovnom i životnom putu — **Svečane promocije i dodjele diploma**. Ovo je dan u kojem slavimo vaš trud, znanje, ustrajnost i odgovornost, dan u kojem se simbolično zatvara jedno poglavlje, a otvara drugo, još šire i bogatije mogućnostima.

Kako bismo vaše uspjehe proslavili na najbolji mogući način pozivamo vas da pažljivo pročitate ove upute kako bismo obezbijedili da događaj promocije na Univerzitetu u Sarajevu protekne u svečanoj atmosferi.

1 DAN PRIJE DOLASKA NA ZETRU

Svi dobitnici i dobitnice priznanja Univerziteta u Sarajevu (zlatne i srebrene značke i dobitnici povelje) treba da preuzmu svoja priznanja i toge u prostorijama Rektorata Univerziteta u Sarajevu u petak 19.12.2025. godine i to:

Zlatne značke – u 9:00 sati

Srebrene značke i povelje – u 10:00 sati.

Svoja priznanja i toge treba da ponesu na dan promocije.

Dobitnici i dobitnice priznanja treba da dođu na generalnu probu u Zetru u petak, 19.12.2025. godine u 15:30.

2 DOLAZAK U ZETRU

2.1 VRIJEME DOLASKA

Svi diplomanti i diplomantice, magistranti i magistrantice treba da dođu u Zetru u **SUBOTU, 20.12. 2025 GODINE NAJKASNIJE DO 10:00 sati** kako bi svi mogli ući i pronaći svoja mjesta.

2.2 PARKIRANJE

Na Zetri će biti dostupno oko 1000 mjesta za parkiranje. Ipak, preporučujemo da koristite alternativne prevoze (javni prevoz, taksi) kako bi se smanjile gužve.



2.3 ULAZI U ZETRU

Svaki fakultet i akademija ima određen ulaz i određeno područje sjedenja za svoje studente i studentice. Molimo vas da se držite uputa za ulaz u Zetru. **U prostoru u kojem sjede studenti i studentice roditeljima nije dozvoljen ulazak** kako se ne bi stvarala nepotrebna gužva prilikom ceremonije podjele diploma.


Pratnja studenata ulazi na ulaze A1 i B1 (ulaz A i B, ali se penju na gornje tribine).

Ulazak u dvoranu moguć je isključivo uz besplatnu elektronsku **ulaznicu**, koja vrijedi za diplomanta/magistranta i **dvije osobe u pratnji**.

Tabela 1: Raspored ulaska i sjedenja u Zetri

ULAZ A	ULAZ B
<ul style="list-style-type: none"> • Akademija likovnih umjetnosti • Akademija scenskih umjetnosti • Centar za interdisciplinarnu studiju • Elektrotehnički fakultet • Fakultet islamskih nauka • Fakultet sporta i tjelesnog odgoja • Fakultet zdravstvenih studija • Filozofski fakultet • Građevinski fakultet • Katolički bogoslovni fakultet • Muzička akademija • Pedagoški fakultet • Poljoprivredno - prehrambeni fakultet • Šumarski fakultet • Veterinarski fakultet 	<ul style="list-style-type: none"> • Arhitektonski fakultet • Ekonomski fakultet • Fakultet političkih nauka • Fakultet za kriminalistiku, kriminologiju i sigurnosne studije • Fakultet za saobraćaj i komunikacije • Fakultet za upravu • Farmaceutski fakultet • Mašinski fakultet • Medicinski fakultet • Pravni fakultet • Prirodno – matematički fakultet • Stomatološki fakultet

Slika 1 Raspored sjedenja po fakultetima / akademijama



2.4 RASPORED SJEDENJA NA BINAMA UNUTAR PODRUČJA ODREĐENOG ZA FAKULTETE / AKADEMIJE

Svi fakulteti i akademije smješteni su u parter i tribinama unutar partera prema crtežu, dok je pratnji predviđeno mjesto na gornjim tribinama. Fakulteti / akademije će dijeliti diplome prema spisku formiranom na osnovu matičnih brojeva i studijskih programa. Studenti i studentice će prilikom zauzimanja mjesta za sjedenje pratiti upute.

2.5 DOLAZAK U ZETRU I RASPORED SJEDENJA DOBITNIKA I DOBITNICA PRIZNANJA UNIVERZITETA U SARAJEVU

Dobitnici priznanja Univerziteta u Sarajevu ulaze na ulaz A i sjede na tribini pored glavne pozornice.



3 PROGRAM PROMOCIJE

3.1 POČETAK PROGRAMA

Program promocije počinje tačno u 11:00 sati sa direktnim prenosom na TVSA. Svi učesnici i učesnice u tom trenutku treba da budu na svojim mjestima.

Na početku promocije intonira se himna Bosne i Hercegovine i akademska himna Gaudeamus. Svi učesnici i učesnice ustaju prilikom intonacije himne Bosne i Hercegovine i stoje sve dok ne završi intoniranje akademske himne.

3.2 ZVANIČNI DIO PROMOCIJE

Nakon intoniranja himne, kreće zvanični dio promocije. Nakon zvaničnih govora i proglašavanja najboljih studenata, dekani i dekanice svih fakulteta / akademija promoviraju svoje studente i studentice. U trenutku kada dekan / dekanica promovira studente i studentice tog fakulteta / akademije, oni ustaju i stoje dok dekan ili dekanica ne završe obraćanje.

3.3 POLAGANJE ZAKLETVI

U okviru zvaničnog dijela promocije studenti i studentice fakulteta medicinske grupacije polažu zakletve. Dekan / dekanica će čitati zakletvu, a studenti i studentice će ponavljati za njima. Tekst zakletve biće prikazan i na velikom ekranu na glavnoj bini.

4 PODJELA DIPLOMA

Nakon završetka ceremonijalnog dijela zvanične promocije, pristupiće se podjeli diploma.

Predstavnici fakulteta i akademija će koordinirati proces dodjele, a od vas se očekuje da se pridržavate njihovih uputa. Studenti i studentice treba da prate spisak na ekranu svog fakulteta / akademije i pripreme se da preuzmu diplomu. Nakon preuzimanja diplome, obavezno se potpisujete u matičnu knjigu. Nakon preuzimanja diplome studenti i studentice izlaze napolje na najbliži izlaz kako bi se susreli sa svojim gostima i fotografisali na za to predviđenim mjestima. Za vrijeme preuzimanja diploma roditeljima i gostima nije dozvoljen ulazak u prostor predviđen za podjele diploma.

5 FOTOGRAFISANJE

Studentima i njihovim gostima će na raspolaganju biti nekoliko mjesta na kojima će se moći fotografisati, a koji će biti smješteni izvan prostora za podjele diploma.

Budući da će ove godine biti promovirano oko **3500 diplomanata i magistranata**, molimo vas za strpljenje i poštovanje protokola kako bismo zajedno omogućili dostojanstvenu promociju.

Dragi diplomanti i diplomantice, magistranti i magistrantice, ovo je dan u kojem vaša dostignuća postaju vidljiva, dan u kojem potvrđujete sav trud uložen u godine studija. Čestitamo vam na svakom koraku koji vas je doveo dovdje i radujemo se što ćemo sa vama podijeliti ovaj svečani trenutak.

BOSNA I HERCEGOVINA
UNIVERZITET U SARAJEVU



BOSNIA AND HERZEGOVINA
UNIVERSITY OF SARAJEVO

Vidimo se na promociji....

Sarajevo, 5.12.2025. godine

**Organizacioni odbor svečane promocije
2025.**